



06. juni 2017

UPA 2017/30

**Annertuumik innarluutillit sullivinni illersugaasuni ulluuneranilu suliassaqartitsiniarfinni sulinerminni aningaasarsiarisartagaat qanoq pitsanngorsarneqarsinnaanersut pillugu apeq-quteqaat aallaavigalugu Inatsisartut oqallinnissaannik siunnersuut.**

(Inatsisartunut ilaasortaq Martha Lund Olsen, Siumut)

Siumumi anguniagaraarput innarluutillit sulisinnaasut sulerusuttullu pitsaasumik naleqquttumillu isumagineqassasut. Suliffiillu naleqquttut inuiaqatigiinni peqataatitsinerisigut innarluutillit akuusinnaallutillu sulerusuttut aqutissiunneqartariaqartut

Inatsisartuni ilaasortaq Martha Lund Olsen oqallisissiamik soqutiginarluinnartumik saqqummiussaanut qutsavigaarput.

Innarluutillit sulisinnaasut akunnermut sulinerminni SIK-ip akissarsiarititaa minnerpaaq atorlugu akissarsiaqartinneqartalernissaa aqutissiunniarlugu oqallisissiamik saqqummiussimmat Siumumiit eqqartuiffigeqattaafigissallugu soqutigintipparput. Siumumiit siunnersuut ilassilluarparput nunatsinnimi sulinermik inuussutissarsiuqartut kattuffiata isumaqatigiissutaa malillugu minnerpaafeqartitsisoqalernissaa tunngaviusumik tapersernartipparput. Taamaaliilluta partip toqqamma-viusumik eqqarsartaasia malillugu assigiinngitsitsinata innarluutillit sivikinnerusumik sulinerminni allatulli tunngaviatigut pisinnaatitaaffeqarnissaat akissarsiaqartitsinikkut illersorneqassamat.

Innarluutilinnut sivikikkaluamik sulisinnaasunut sulisinnaaneq isumalerujussuuvoq, minnerunngitsumik inuiaqatigiinnut kikkut tamarmik sulisinnaasut atorfissaqartinneqarmata periarfissaq manna iluatsillugu suliffeqarfiit kaammattorusuppagut akuulersitsinissaq anguniarlugu suleqataaqqullugit. Periarfissaqarpat suliffeqarfinni innarluutillit piginnaasaanut naleqquttumik sulisinnaanerannut aqutissiuuseqataaqqulugit.

Oqallisissiaq periarfissaasinnaasunik isummanik aamma pilersitsivoq, illoqarfinni mikisuni nunaqarfinnilu annikinnerusumik innarluutillit eqqarsaatigalugit suliffinnik naleqquttunik pissarsissunneqarsinnaasannginnerat pillugu alloriatitserusukkatta, taamaattumik siunissaq eqqarsaatigalugu atuarfiutigaluni suliffittut atorneqarsinnaasumik peqalernissaaq pillugu aqutissiuusoqartariaqaler-

poq. Kommuuneqarfiit suleqatigalugit alloriarnissamik aaqqissuussisoqarnissaat kaammattuuti-gaarput.

Assersuutigalugu Ado Lynge-ip atuarfiani atuarsimasut ukioqqortusinertik pissutigalugu illoqar-figisaminnut nunaqarfigisaminnulluunniit uteraangamik periarfissaaruttarput, suliffigisinnaasaminnik naleqquttunik aammalu imminnut ikorfartorsinnaanerit annaaneqartannginnissaa pillugu siunner-fittut ataatsimoorfigisariaqarpagut innaarluutilinnut naleqassusermik misigineq annerusoq tunniuk-kumallugu.

Najugaqatigeeriarlutik illoqarfinnut nunaqarfinnulluunniit kommuunerisaminniittunut uteraangamik ikorfartoqatigiisinaajunnaartarnerat takorloorsinnaallugulu ilisimavarput qanoq taakkununga tarnikkut timikkullu misigissutsitigut annaasaqarneq annertutigisinnaasoq. Nalungilarput innarluuti-llit allatulli aamma pikkoriffeqartut, inuiaqatigiinni sulinissaminnut, soorunami nammineq pisin-naasaannut naleqquttunik suliffigisinnaasaminnik pisariaqartitsipput.

Minnerpaamik taakkunungarpiatq tunngasoq ammasumik eqqartortariaqarput iliuuseqarfigalugillu.

Naalackersuisut akissuteqaamminni allapat: *“Inunnut innarluutilinnut ikiorsiisarneq pillugu inatsisis-satut siunnersuutip nutaap piareersarlugu suliarinissaani suliaasaqartitaanermi akissarsiat qanoq iluarsiivigineqassanersut aamma misissorneqassaaq”*

Siumumiili apeqqutigissavarput erseqqissarneqaqqullugu inatsisissatut siunnersummik qaqugu Naalackersuisut saqqummiussinissaminnut pilersaaruteqarnerisut? Pingaaruteqarluinnarpoq innar-luutilinnut suliaasaqartitsineq innarluutillip sulisinnaassusaanut naleqquttoq nassaarissallugu, qanorlu neqeroorutaasinnaasut pitsaasuutinnissaat ersarissumik sinaakkusersorneqartariaqarput.

Siumumiit periarfissat qulaajarneqarneranni atuarfiutigaluni suliffimmik innarluutilinnut peqartaria-qalinnginnersugut nunatsinni eqqarsaatersuutigaarput. Imaanngilaq illoqarfiit tamarmik pisariaqar-titsisut, taamaattoq nunatsinni najugaqarfik atuarfiullunilu suliffiusoq pilersinnissaa minnerpaamik piunassuseqarfigisariaqarparput.

Oqallisissiamik saqqummiussaqaartup siunertarisaattut innarluutillit illersugaasuni ulluunerani suli-assaqaartitsiniarfinni aningaasarsiarisartagaat qanoq pitsanngorsarneqarsinnaanersut pillugu apeq-quteqaat aallaavigalugu oqallisissiamut qujaqqippugut.

Siumumiit taama naggasiilluta innarluutillit aamma akissarsiatigut naapertuunnerusumik aaqqis-suussivigineqarnissamik oqallisissiaq taamatut oqaaseqarfigaarput.

Oqallilluarisa.

Laura Táunâjik

Siumut